



Australian Government

**Australian Institute of
Health and Welfare**

**Australia's
Disability
Strategy**
2021-2031

Creating
an inclusive
community
together

Fuafuaga o Tagata e iai Aaafiaga Tumau i le Soifua a Ausetalia

2021-2031

O le 'Āuivi o Faai'uga 'Ausia

O le ripoti muamua faaletausaga

Āotelega

O le 'Āuivi o Sini 'Ausia, o se vaega tāua i lalo o le **Australia's Disability Strategy 2021–2031** (le Ālāfua) e fuaina, mulimulita'i ma lipotia ai sini 'ausia o tagata e iai aafiaga tumau i le taimi o le Ālāfua. O ripoti faaletausaga e faatatau i le fuaina o le 'Āuivi o Sini 'Ausia, e faailoa mai ai le tulaga la'ala'a i luma o le 'ausia o sini faatulagaina mo tagata e iai aafiaga tumau.



O le Ālāfua e 7 ona sini 'ausia. O vaega ia na faailoa mai e tagata e iai aafiaga tumau e tataua ona faaleleia atili ina ia 'ausia ai le manatu 'autū o le Ālāfua mo Ausetalia e taliaina ai tagata uma – e mautinoa ai le auai o tagata e iai aafiaga tumau i le malosi e mafaia ai, ma tutusa ai a latou āiā tataua ma isi tagata.

o le Ālāfua



Saogalemū galuega ma puipuiga o teugatupe



Taliaina fiafia i 'āiga ma alaafaga



Saogalemū, āiā tataua, ma faamasinoga tonu



Lagolagoina faaletagata ma le alaafaga



A'oga ma le a'oa'oina



Soifua maloloina ma le ola manuia



Uiga faaalua o tagata lautele

O le 'Āuivi o Sini 'Ausia e 85 fua faasolo i vaega 'ausia e 7 o le Ālāfua ma e **3 itu'āiga fua.**

Fua o vaega ta'itasi

e fuaina le sao o vaega tāua ta'itasi, e pei o le tausiga soifua maloloina, fale, a'oga ma galuega, i le mafai ona 'ausia o sini 'autū nei.

Fua i le aofa'i o tagata

e mulimulita'i i suiga i sini 'autū e 'ausia i se vaitaimi mo tagata e iai aafiaga tumau.

Fua i le va'ai ma uiga faaalua o tagata lautele

e mulimulita'i suiga i uiga faaalua o tagata lautele aga'i i tagata e iai aafiaga tumau, ma le va'ai iai a i latou e iai aafiaga tumau.

O le faamoemoe o le ripoti faaletausaga muamua leni, o se va'aiga lautele i le tulaga o le fuaina o 'Āuivi o Sini 'Ausia i lona 'faavae', poo le taimi sili ona latalata i le amataga o le Ālāfua ia Tesema 2021. O faamaumauga 'faavae' o faamaumauga e faatusa uma iai faamaumauga faaletausaga ma (pe a mafai ona maua) faamaumauga faalekuata mo vaega uma e fuaina i le taimi atoa o le Ālāfua.

O leni ripoti e aofia ai fo'i se iloiloga faavaitaimi (pe a mauaina faamaumauga) mo le periota e tau i le, ma aofia ai faamaumauga i le taimi faavae. E maua ai se va'aiga āotelega i le lipotia o le taimi faavae ma i'uga fou.

O le a le tulaga o tagata e iai aafiaga tumau i le taimi faavae?

Mo le ripoti faaletausaga muamua leni, o faamaumauga faavae o loo maua i fua faailoa e 47, ma faamaumauga faasolopito i nisi fua e 45. O le aofa'i o togi faamaumauga o avanoa mo faamaumauga faasolopito nei e i le va o le 2 ma le 10 togi i le taimi.

I'uga maitauina

Gasologa manuia i luma o le laina faavae:



O le aotelega o taimi faatalitali mo fale faitele mo 'āiga faato'a auai e iai se tagata e maua i aafiaga tumau, e **413 aso** i le 2020-2021, o **se faaititia mai le 580** aso na iai i le 2011-2012.

fua o vaega



E sili atu i le to'a **7 mai le 10** (72%) faaseā i mata'upu faailoga tagata ona o aafiaga tumau na taunuu mai ma tagofia e le Australian Human Rights Commission i **soalaupulega na faai'u manuia** i le 2020-21 faatusa i le **to'a 6 mai le 10** (62%) i le 2011-2012.

fua o vaega



'Sili atu i le to'a **2 mai le 5** (45%) o tagata e iai aafiaga tumau i le 20-64 tausaga le matutua na mae'a a'oga i le **Vasega 12** (pe tutusa) i le 2018, faatusa i le lalo ifo o le **2 i le 5** (37%) i le 2012.

fua o le aofa'i o tagata

Gasologa lē manuia i luma o le laina faavae:



E le'i iai se suiga tele i le saosaoa o le **leai o ni galuega i le va o tagata** e iai aafiaga tumau ma tagata e leai ni aafiaga tumau i le va o le 2012 ma le 2018 (4.0 ma le 4.7 togi pasene) mo tagata i le 15 tausaga aga'i i luga le matutua).

fua o le aofa'i o tagata



'Sili laititi atu i le to'a **4 i le 5** (82%) 'au'aunaga faapitoa i le sa'iliga o fale mo tagata e iai aafiaga tumau ua leai ni nofoaga e aumau ai **ona o sauaga i totonu o 'āiga**, na maua **fesoasoani ina ua sa'ilia** i le 2020-2021, faatusa i le 87% i le 2013-14.

fua o vaega



E tusa ma le **1 i le 7** (14%) o tagata e iai aafiaga tumau ua 5 tausaga aga'i i luga le matutua, **na iai faafitauli i le mauaina o fesoasoani faafoma'i** i le 2018 faatusa i le 11% i le 2015.

fua i le aofa'i o tagata

Sa iai se fesuia'iga i le va o vaega ta'itasi?

O faai'uga i le laina faavae na iai fesuia'iga e faavae i le matua, itupā, ma le ogaoga o aafiaga tumau.



O tagata e iai **aafiaga tumau matuiā pe ogaoga** i le 5 tausaga aga'i i luga le matutua, **e le'i tele se avanoa** na auai ai i mafutaga ma **fiafia faatasi ma isi i le alaalfaga** (90%) faatusa i isi tagata e iai aafiaga tumau (97%) i le 2018.

fua i le aofa'i o tagata



E to'atele atu le itupā o **tane ma e iai aafiaga tumau** 15 tausaga aga'i i luga le matutua, **na manuia taumafaiga i le sa'iliga o galuega** (fa'aaogā ai le job active) nai lo le itupā o tama'ita'i i le periota 12 masina ma fa'aaauai ai mo le 26 vaiaso (8.3% ma le 6.5% tane i tama'ita'i) i le 2020-2021.

fua o vaega



E maualuga atu le aofa'i o **tama'ita'i faatusa i ali'i** e iai aafiaga tumau i le 15 tausaga aga'i i luga le matutua, na mae'a a'oga faata'ita'i mo galuega **ma maua galuega ina ua mae'a le a'oga** (53% tama'ita'i, 50% ali'i) i le 2021.

fua o vaega



Toetoe 1 i le 2 (49%) o tagata e iai aafiaga tumau i le 18 – 24 tausaga le matutua **na molimauina faafitauli ogaoga o le mafaufau** i le 2018, faatusa i le to'a 2 i le 5 (40%) ua 45-64 tausaga le matutua, ma lalo ifo o le 1 i le 5 (19%) o tagata 65 aga'i i luga tausaga le matutua.

fua i le aofa'i o tagata

O a mai gasologa mo le 6 masina muamua o le Ālāfua?

Mai le 47 faailoa o fua e iai faamaumauga, e to'a 11 ua toe teuteu a latou faamaumauga talu mai le laina faavae. O faai'uga nei e na o se amataga ona e aofia ai na o le 6 masina muamua o le Ālāfua, ae lē o le tausaga atoa. O le tele o suiga nei e laiti ma e lē tatau ona amana'ia i le aotelega o faai'uga. O le tele lava o teuteuga nei e afua mai i faamaumauga e aoina e le National Disability Insurance Scheme (NDIS) ona o latou o loo iai faamaumauga lata mai.



'Sili laititi i le **1 i le 5** (21%) o **tagata auai i le NDIS i galuega** i le va o le 15–64 tausaga le matutua, **na maua galuega tumau i totogi aloa'ia faaletulafono** i le kuata lona fa (Q4) o le 2021-2022, faatusa i le 20% i le kuata lona lua (Q2) o le 2021-2022.

fua i le aofa'i o tagata



La'ititi teisi mai le **2 i le 3** (65.1%) o **tagata auai i le NDIS** i le 15-64 tausaga le matutua, sa molimau mai na fa'aaogā o **latou taimi avanoa e auai ai i mea e fiafia iai** i le kuata 4 (Q4) 2021- 22, faatusa i le 65.5% i le kuata 2 (Q2) 2021-22.

fua o vaega



'Sili la'ititi atu i le **3 i le 4** (76%) o **tagata auai i le NDIS** i le 15-64 tausaga le matutua sa molimau mai na **fesoasoani le NDIS i le pulea ma filifiliga** mo o latou lava soifuaga i le mae'a ai o le 2 tausaga i le polokalame i le kuata 4 2021–22 (Q4) faatusa i le 75% kuata 2 2021–22 (Q4).

fua o vaega

Fuafuaga mo le lumana'i

O le isi ripoti faaletausaga i faamaumauga lata mai o le a faasalalauina i le faai'uga o le 2023. O faamaumauga lata mai o le a faasalalauina foi faakuata i le **Australia's Disability Strategy 'Auiivi o Sini 'Ausia** itulau 'upega tafa'ilagi, lomiga muamua ia Mati 2023.

Na manino le mau a tagata e iai aafiaga tumau latou te lē manana'o i le Ālāfua e faapito tasi i faamaumauga na aoina i le taimi o le faalauiloa. Ona o lea mafuaaga, o fua faatatau uma mo le lumana'i i le 'Auiivi o Sini 'Ausia, ua mamanuina faatatau mo le taimi atoa o le Ālāfua. Mo nisi faamatalaga au'ilii'i i le auala o loo tagofia ai e le mālō nei fuafuaga, e aofia ai maliega i le lipotia o ni fuafuaga i le lumana'i, silasila i le Ālāfua **Fuafuaga o le Faaleleia o Faamaumauga**.